

補

勤

詩

存

補勤詩存卷之二十二

山陰 陳錦 晝卿

銀海迴瀾集

甲戌乙亥

甲戌乙亥冬春之交隨撫節于役河工時河決東  
明石莊戶南下漫湖牯災淮徐三年矣中丞奏堵  
賈莊南溜普建長隄凡五閱月合龍工竣河復北  
流曾於工次作迴瀾紀效詞並名其集曰銀海迴  
瀾

過東明縣

渡河十里見東明沙淤高踰雉堞平南溜已分司馬去  
決口地名北風猶擁螭龍行天心一夕移滄海地脈千年掩

故城萬頃先疇何處是且量新土募人耕

百尺豐碑已及肩別營居處畫樓巔新隍高枕城頭土  
老屋深埋井底天穴蟻可堪澆竹筴澤鴻何意見桑田  
長官合具迴瀾手莫惜宣防十萬錢

次荷澤張莊

撲地茅檐三兩家於今河套舊桑麻淤灘中餒浮魚腹  
淺澗初冰齧大牙埵外謹防凌汛水道旁休犯陸沈沙  
馬蹏深入行寒淖長柄掀開十里窪

民夫開淤  
名長柄掀

建賈莊貝臺

戶牖東明即  
古戶牖東來患陸沈鯨波千里漸南侵頻開瓠子  
鄰爲壑力鞏茨防土似金澤水儼予明主意溺民由已

老臣心

時朝廷深以河患爲南顧憂東撫丁中丞以此自任所奏悉允

導荷被孟經

營苦四載應將禹迹尋

連湖蔽牖病淮徐

河入南陽諸湖南下直漫淮徐

畢竟中原患未除灌

穴何心人盡蟻漏天不補我其魚羣工併日興殘臘大

府忘尊次庫廬冰輟麟麟緣底事積薪如阜挽千車

銅廂一決逮張湫

張秋古張秋

碣石千年故道留

碣石山今在樂亭海

口禹治河

誰爲鴻溝沈鐵鎖坐令鰐穴蝕金甌建瓴貽

患紓南服砥柱奇功順北流如此荒莊風雪裏幾人能

共救時憂

凌汛

北流削岸快于刀凌汛如山大溜高星海西傾天本漏

龍門東吼水驚號飛沙不陷冰爲岸拍浪成堆雪滿槽  
十里晶瑩行不得中流無底孕銀濤

村居

荒莊三日涸寒流盈尺膠沙迹尙留擇地可能無失足  
到門那有不低頭丸泥坏戶身爲蟄挂席當檐屋是舟  
野老結廬何草草主人終歲事先疇

撚到吟髭凍不舒硯冰鑪火一蝸居重經百戰停車地

猶憶千言草檄初

向曾從軍過此

襤被冷於澆背水華門高似

等身書冬宵風雨從公暇人道三餘我四餘

冬者歲之餘夜者日

之餘風雨者時之餘益以公餘爲四餘

釀雪消寒

一幅雲山潑墨圖打頭驚見雨成珠燈枯瓦盡魚膏熱  
茶老銅瓶蟹眼麤隔壁宵聲驢轉磨長天風信雁銜蘆  
窮鄉也有消寒法春在紅泥小火鑪

寒流穴地灌河槽十丈元冰夜合牢稀淤凍痕皴蜀錦  
紙窗風縷奏并刀傳杯有令平愁壘荷鍤成軍戰怒濤  
不盡人間磨盾墨一停車馬便含毫

### 雪夜

鏤冰屑玉本天工冉冉春回卅六宮靉靆忽看雲在地  
空明疑是月當中百年心迹梅花白一品頭銜野鶴紅  
韻事未應忘臘八銀甌誰贈米雙弓

時有贈臘  
八粥者

### 曹州卽事

巖疆百里傷寒淫故壘新圩一闌譁大府飲冰敦版築

災黎乘凍渡薪車平沙飽飫崑崙水

時車行河所經地

瘠土偏

生富貴花

謂牡丹

爲道十年征戰地幾人來此問桑麻

停車三日霰如絲折獄公餘但賦詩 帝命重循神禹

迹

北流故禹河也

將星曾墮憤王祠

謂故忠親王祠

口碑在道難爲宰

肺石升堂愧有司

時平反疑獄

底事訟庭花不落到門殘雪

欲消時

歸自曹州工次除歲

往返兼旬執訊勞迴車依舊住衡茅人間那有眞疑獄

世事偏多待補牢帶水未能平駭浪鼎湖何意墮烏號

時工次奉

穆宗哀詔

可堪明日逢新歲五十年中第

望北三日臨

持素服

四朝

予生道光元年歷咸豐同治至今光緒凡四元

千夫耶許集冰窪背水軍聲一夕譁破臘有風先雨土  
唱籌無日不量沙處錚多福羞陽矯聽鼓何心式井蛙  
會待桃花春漲活大清河畔送歸楂

與村民度歲有作

等身茅屋雨三楹高壤豐腴半可耕幼婦然蕘炊白粲  
老人投杖獻黃精馬蹏曉沒輿薪路驢背宵聞磨麥聲  
告語而翁拌一飽大河從此不前橫

百戶脂膏一尺隄張莊前後李莊西開門見水凌成汎

斬木爲椿柳不稊花露戲調鸚粟飯

民間私種鸚粟花

藥苗新

插牡丹泥

曹人多種牡丹以丹皮入藥故幾不  
以花貴信是則牡丹尚以皮相辱矣禁煙錯



訝逢寒食爆竹無聲夕照低

工次多薪  
禁爆竹

簪蓬蘆箔暗塵從早起呼僮埽積糴蛙竈炊痕香餅餌

龍門聲價長麻蘇

其工以蠶羅藉枕  
蘇入水價爲之昂

虹橋夜吐金銀氣

燈市春生買賣街

河工官設買  
賣街以便民說與村民渾不省一掛

新釀掩荆柴

元日 乙亥

百五風光啟上都幾人舍舊作新圖闌珊殘臘銷銀燭  
增長韶華買玉壺萬事好從今日起一年愁到此時無  
堂堂歲月東流水不信燈前有故吾

河凌

天地寒如此魚龍戰不休冰山容可倚鐵石與同浮澤

腹堅初潰春膏凍尙流嚴凝行義氣曾語熱蟲不  
王政濟徒涉幽詩歌納凌水心橫磊砢風骨長圭稜感  
孝騰雙鯉除讒觸衆蠅玉壺分一片清極可能勝

淤土

大溺援昏墊餘波病附塗回頭都岸道立地便阬儒旱  
海清流馬冰淵怯聽狐揪公頻出淖覆轍滿歧途  
厥土赤埴墳媧皇猶未搏本非乾淨地甯作海漚觀陷  
阱驅人易泥塗立腳難風波生履錯沈溺太無端

霾風

雨土從天降重陰捲地來打頭瞽影重舉趾屐痕埋野  
馬窗櫺聚沙蟲瓦縫篴飛鴻留指爪泥印上雲街

朔漠千軍閑秋聲萬樹陰望塵疑戰氣蔽日豈天心愚  
父移山便貪人穴隧深終朝懷有暝思婦費沈吟

野雪

擣碎玻璃汁飛從水墨天忽開千里眼遠見一峯巔到  
地雨猶凍出山雲盡眠藍田新種玉明日煖生煙  
石獸銜冰筍茅龍脫凍鱗明光燭羣隱巖氣熄浮塵仰  
見天心白能回地脈春遙村都入畫有屋矮於人

論詩答友人

抱甕園林轉桔槔戒壇鐘鼓課僧僚重門久鑰樞先蠹  
野渡無人舟自膠射蠹三年知命的屠牛十二解操刀  
輪蹄鐵爛黃梁熟不盡燈前運甕勞

述懷四首

故鄉風景百明湖魚飯蓴羹願尙辜  
理窟淵深耽夜坐  
名場壁立憚晨趨高枝擇蔭天偏妒  
平地爲山道不愚  
重上強臺無別有一官一集兩奚奴

魔是清談祟是詩買臣當貴十年遲  
愁來忽被鬚眉覺  
老至休令腰腳知未肯甘心蒙毀譽  
止應棘手屬文詞  
其于木也堅多節已近秋高結實時

空操弩末逐竿丸耿耿籬才世不歡  
庸福義無名士分  
高文天作顯官看老猶好學餘年富  
貧亦能歸大造寬  
遮莫懷香還自熱枉教時論惜膏蘭

慧業潛消筆底花行年屈指半重華

五十千回得失何

須馬兩部公私但問蛙有性豈容戕杞柳不扶還自直  
蓬麻彈冠未必無王貢祇道文章命一家

春雪

茶罷初燈候詩成又雪天病貧人有藥求富我無鞭風  
雨思歸日文章見性年閨花飛不到長缺短檠邊  
月白雲長在冰飛雨不流山中高士宅天上洛陽裘世  
事雙眸足韶華兩鬢不何須眞見戴乘興且行舟

元夕寄南中子弟四首

微之州宅臥龍陰鄉味須從久別尋屐齒春聲泥滑滑  
越俗名木屐曰泥滑滑一百八言聲似之也一百八則謂其價廉瓦溝晴雪雨淋淋花  
燈聞月傳龍鼓鼓吹作龍舟遠近之音曰龍船鼓綵綾量風鬪鷄琴紙

日鶴抄竹如弓弦以薄蔑總角遨嬉渾不是卅年惆悵  
置紙際得風自鳴曰鶴琴  
宦遊心

苔紋成字鶴含書不買名山買敝廬亂後已經三徙宅  
主人猶未一年居孟孫不進原非馬張季思歸大有鱸

告道飢驅爭錯愕頭銜如火歲遷除

時方保加  
二品頭銜

到門應問客何來五尺童孫識面纔鯉對家風絲橘蔭  
鮓封消息滯蘭陔橫刀馬上作詩史近水樓邊隆債臺  
足抵俸餘錢十萬牛腰一卷詠蓬萊

捷徑先鞭舉步遲半生襟抱韻吟髭歐陽未勒瀧岡表  
賀監爭傳鏡曲詩棊局看從柯爛後黃梁炊到客醒時  
文章有價才名老五十年來事可知

春融卽景

踏破冰漸汁漸融  
垠頭昨夜噪南風  
能教土脈舒噫噎  
想見天心伏蘊隆  
歡喜祇應唬好鳥  
昭蘇從未及寒蟲  
人間冷煖誰先覺  
盡在梅花一笑中

黃縣襖子重難勝  
破絮擔頭熱可憎  
一夜瞞人楊柳綠  
隔年扶病麥苗興  
改妝花木山應笑  
久蟄龍蛇天不能  
祇是冰霜收拾後  
返魂宜蝶豈宜蠅

卽事寄友人二首

斗室空勞轉磨牛  
喬枝應屬占巢鳩  
紅塵慣塞元龍氣  
幻海難填五鳳樓  
喜溫曾經三令尹  
異同誰是一居州  
執鞭求富原無用  
投向河邊便斷流

披函如見古人來  
白屋文章有鼎台  
寒士貴無蔬荀氣  
好官奚取米鹽才  
牢愁變態鄰狂態  
儒腐窮途坐病骸  
畢竟生成由造物  
栽培何故不因材

村景

飽飯黃昏月一鉤  
隔窗呶啞聽童謳  
本來天籟無文字  
編作衢歌已贅旒

荷鋤努力事營生  
紡績聲兼碓磴聲  
怪底老農丁不識  
識丁無用轉妨耕

迴瀾紀效詞

并序

侯家林合龍之明年癸酉秋河決東明石莊戶由荷  
澤東流漫入湖牕南下又明年甲戌河湖並溢滕嶧



淮徐水爲災兩江總督李公宗義請堵之 詔下河  
漕東豫疆臣集議未上是年冬山東巡撫丁公寶楨  
請獨任之 奏自東明迄壽張之沈家口運河隄其  
東南二百五十里有奇合龍於荷澤之賈莊藍口閒  
乙亥三月河復北流作迴瀾紀效詞凡十有二章

### 料垛薪

料垛料秫田薪官計垛民計斤 例堆秫高丈二寬丈五長六丈爲一垛作四萬  
斤 頃頭惜料如惜金五家供一馬三家供一人四輪 曹  
多四 折雙足輓剋期送料比行軍料垛高上天民炊空  
一年料官量料爭尺寸十里鋪作長龍眠工成水落道  
安土不憂無料歸種田歸種田黃河邊河邊產料年復

年何必縣官償料錢

繩廠絲首頃爾雅翼絲似苧而薄周官典裘註草葛絲也本作頃亦作絲今作絲

雜料百稱社藍曰正料餘皆雜料其要繩白者麻其次絲平舟車網

載不計斤一夕擲干根大繩百丈專車重揪頭名繩束腰

繩不一種一髮抵千鈞龍蛇不敢動十料垛一坏頭土料

層數之稱埽檐亦名賴汝將底鉤名繩束置此輩投濁流工成

埽穩看不見金光百道靈虯變莫將朽索迴狂瀾惟木

從繩后從諫天河清溪銀繩現

買土錢設官日立埧頭候民夫以土料至埧量多寡給錢曰買土買料

賣土買土土霑股號土編車為號載土環走但令投籤記其號數抵暮核錢與之取速

也一車錢十五筐土無車用筐擔土量筐大小給錢錢不數一筐錢值

一筐土土塘

取土之所設官監之

昨夜風雨天萬人取土爭一掀

泥塗行不前補瘡滄海剝肉桑田地皮一刮錢萬緡金

門合蒲包填

口門將合曰金門蒲包盛土助之

土牛

堆土儲用之稱

鐵鑄三千

年大塊文章本無價有土還不名一錢賣土買土腳底

穿

細廂船

縛料成帚為埽名曰廂埽法用椿植岸繫繩一頭別置大船長十丈以上

者橫岸邊五六丈外曳其餘繩繩排如簣加料壓之料橫繩縱漸低入水餘繩環細岸椿

乃進以土是為細廂

河無邊浪滔天河有邊細廂船細廂船忽重刺船船不

動廂兵上船若潮涌前船撐擋

撐船離岸之稱

犯鯨漚後船托

纜

船尾加纜繫於提腦填別用小船數十節節托之

曳長虬天門洞開雙龍頭

垂餌虎口砥柱當中流任他風浪起坐待狂瀾休移山  
一寸汗萬牛細廂船河有邊兩龍對峙咫尺相鉤連無  
所用汝讓龍占合口一占  
龍門占

捉腦垣

垣頭上游一二里許堅築一垣曰提

數十挽之遙繫細廂船尾龍門溜急力提廂  
船不令稍動兩垣皆然爲垣工入手第一事

上有沈沙鑄石之危墩下有建瓴出峽之陡疊擎天隻  
手扶天根舉纜牽二龍劃地爲之門萬人撐擋掩重閭  
銀繩曳斷秋潮痕打頭風浪起立定是腳跟支祁鐵鎖  
鎖崑崙提腦垣砥柱論挽狂瀾拉大繩江河日下一髮  
存滄海賴汝毋東奔

夾土垣

夾土埧埧夾土

正邊兩埧之間填土實之口門開破浪氣以此為主有兩埧夾一土之象

乘風立百堵蟄龍俯首坏地戶夾土埧何蜿蜒一櫃土

半櫃錢

夾土埧一名土櫃

左右翼之滄海乾夾土埧夯

讀何項切以互

木春土之具

大力塗附塗毋傾側萬牛在旁

讀如薦以長木置埧下仰

抵埧邊蟄者令正之稱

不直夾土埧眠長虹築登登哀隆隆蟻穿

九曲穿不通以土克水此為主頓令十萬坏料投泓中

後餞

正埧後土埧之稱

隔壁來從龍

進占子

以埧占水逐步前進曰占子水淺曰旱占深曰水占

進占子埧基進到金門止土櫃後戲悉稱是旱占十進

臨沙礮水占卅五船網廂頭坏

入水第一坏

得底

到底稱龍繩

長揪頭緊齊板

打掃船令齊以板為之

揚掃檐亦名騎馬

掀名作又形插

掃邊黃料穀草鑲鑲戊己居中央進占子緝口量口門  
繫繩故名時口門量土塘料路苦膏雨春分已過清明  
絲續二百五十餘丈水深及誌椿立水測擡溜口門水  
將中泓但願不刷底底之稱誌椿水之具擡溜漲之稱  
夫何妨無險工有大王

### 開夜工

開夜工十里紅燈廠萬夫空天門銜燭出雙龍火牛夜  
戰馮夷宮五步一柳幹十步一水盃例以水盃給燈夫  
明知抱火還厝薪蠟花墮地無人管官燈對對書差銜  
欽工便燈俱號燈出若流泉夜深計燭夫錢多寡雙工  
錢開夜工良不便日費百夜費千太平有桶例設木桶  
名太本虛設兩岸颼颼風聲乾小心火燭儻不然

擡棚路

塢頭執事官各給席棚令可  
擡棚進則擡棚俱進故名

進占入深水擡棚還未擡塢頭料路比朝市肩轂闐如  
雷九天閭闔茅茨開官棚席民棚黠賣買十里成長街  
蜃樓凍合本無底棚腳有時埋擡棚擡棚莫風雨淤灘  
已自無乾土長官日日坐於塗其甘苦住過清明一百  
五合龍三日拆棚去萬架擡棚不知處

合龍占

一丸泥函谷關一簣土九仞山縣門不發千弧彎合龍  
占下流潺潺合龍檣玉筍班合龍纜紅斑斕合龍椿纜  
俱用紅  
洞天翕然肩雙闔滄海不填石桑田與之闌下有庚辰  
無支祁張膽瞋目空追攀鐵弩射潮還鵬鵬無聲倏北

徒俯視南溟一夕化為蹴潯乾時堵南流令北入大清河合龍占人

聲歡

碣大隄築土東水續填兩頭皆曰隄低者堰時方奏築南北兩隄各二百餘里

大隄碣碣音餓以石徑尺高尺平其下端四圍綴繩五六尺者八九人持其一曳之升降令攏土堅用

與夯俄大隄東明迤東運河迤西南隄起東明迄沈家

開州迄張秋萬夫在道掀筐攜千錢但買填頭土不買

運河未築隄邊泥霎時聲價大相離土夫要隄高碣夫要隄低縣

官只解量收分音問隄底寬十丈頂寬三丈隄身高一丈四尺例以底面居中折算計其土方

是謂不解細廂跨串谿河灘竄入隄根春雨爛如糲十

年河患挑民堰經慣拉泥犁碣大隄大隄外坦齊不齊

時令民夫先成外坦碣夫唱碣飢驢嘯寬五丈高八尺禦水



賽龍神

賽龍神

金龍四大王姓謝氏宋臣元初隱居金龍山後

王及將軍

成河神現身為龍長不盈尺聽人迎奉黃朱二

今通稱曰大王

龍神至將軍老人宋白老人河上執事之稱

龍候工見之尊於

蜿蜒侍三王大可四以自侯工降神遂

將軍與大王齒

帥栗公毓美列於大王同治十三大流何淙淙神之來

年光緒元年加封號今並祀之

西腔戲今因之大流何汨

今洪濤降為神

嗚嗚歌秦腔俗云大王喜聽大流何汨

汨神之來今百靈奪為神

裊裊鼓湘瑟賽龍神龍神憐

官忠國神忠天救民水火理則然何況朝廷崇祀哀忠

三百年嗟吾神兮視門占慶換袍龍神體色朝夕轉換

休咎金色尤吉名曰助投鞭

黃袍意是禮服也

迎龍雅有序並歌

往歲侯林堵口正月興工龍神下降工竣不去今荷  
澤賈莊工次三月之久龍神尙未降臨光緒元年二  
月旣聖溜勢奔騰埧工危險眾情疑懼予爲述大帥  
籲請之詞作迎龍雅一章以返神庥厥後大主將軍  
來往不絕有直入帥府臥室者溜勢日平桃汛不漲  
清明後十日埧頭宛轉自移適成犄角之狀犬牙交  
錯因之合龍鬼斧神工不可方物工竣龍神猶盤旋  
不去云

回天惟功護國惟忠於鑠我王在田爲龍龍在在田雲  
則從之王在在天流則東之其東維何波臣不波帝曰  
王汝受命於河繫此大河蛟鼉是宇九載憂堯八年外

禹繫此大河魚鼈其人壑鄰壑海飢民溺民粵自周秦  
迄於宋元南淮北濟假道爲湍湍之悍之其漫其漚隄  
之防之其岸其畔我龍來斯蜿蜒蜿蜒我王來斯穹穹  
盤盤亦曰我王禦災則祀惟天好生王也天只亦曰我  
王翊運而神砥流挽倒廟食於人 文宗中葉故道其  
墟漕渠旣格鄆濮爲滯岌岌侯林神貺惟憑享我牲醪  
哀我憚民民亦勞止汙可小休河曰南止鞠爲淶流淶  
流齧淪災彼淮徐不有王臣南服其魚王臣瞿瞿三月  
行露 主幼國危心焉孔怖仰惟 朝廷 堯舜二慈  
疇若予工南顧曰咨 先皇有言汝平水土蹇蹇匪躬  
列宗 列祖哀哉鼎湖顧命與同力排眾議墨經以

從成敗在天毀譽在人公私勤惰在予一身毋恤人言  
敢云不力天監在茲神其予殛毋恤人言敢曰徒勞赫  
赫我王視此芻蕘胡使我民在道以疲爾車爾牛耨鉏  
無期胡使我民淪胥以終爾窟爾巢安宅其鴻胡爲我  
王棄予如遺戍已喪魄庚辰怒髭胡爲我王不眷予顧  
支祁放曠馮夷肆妬苞苴女謁讒夫張耶薄言築者風  
雨於涯孰恤民危水火衽席獨任其難塗行露立孰濟  
時艱臥薪營窟作息身先一夫一卒有一於此人代天  
工胡不予相式邁其功那不令人有命自天不稼不穡  
三百而廬那不令人築室於謀議訟而廷民殍而溝後  
有作者藉曰無成投鞭斷流眾志胡城帝謂我王爲民

請命導聖障狂抑橫與正帝謂我王防口防川官忠其  
國神忠其天百爾君子忠我長官與於畚鍤職思其完  
言告我王聽予斯文文章報國至誠感神言告我王亮  
予國恤俎豆誠陳八音猶遏假於有廟有廟旣楹降觀  
在工在工明明王曰毋畏百祇效馴揚咭累土厥爲大  
墳皇天無親父母斯民疾痛顛連有籲則聞自古在昔  
非今斯今桑林之雨衡山之雲

爰爲之歌曰茅茨兮土階黃琉璃兮穹臺洞宮燭兮天  
門闔駢剛兮白牡瑟黃流兮玉卣夔罔兩兮汗且走鳥  
何喜兮嚶鳴魚何吼兮鯨鏗雷動兮歡聲大王來兮工  
成非工自成兮王之靈

再歌曰粲粲兮土花短綆兮修蛇塞瓠子兮橫蘘麻銀  
繩兮夜斷截明河兮秋半田滄溟兮兀天岸鴻何磬兮  
中澤鮒何枯兮涸轍萬手兮加額大王至今龍合非龍  
自合兮王之德

三歌曰鼓馮夷兮返駕鎖支祁兮爲埧龍之眞兮紛紛  
而來下哀吾民兮塗泥迴狂瀾兮濟與沂鵬鵬兮以北  
徙兮渺南溟其涔隳橋何日兮鼉鞭海何年兮鳥填牽  
羊兮告虔大王享兮長隄堅非隄自堅兮王之天

以迎龍雅歌貽王春亭同年書後一首

別風淮雨不知春耿耿吟懷問水濱對酒還須消酒法  
作詩難索解詩人書生舉筆偏憂國文字論交大有神

說與垂楊空一笑芳郊十里莽紅塵

工次贈桂笙陔太守德均

百戰鯨波萬甲屯陡從平地植崑崙莫教世上隄防壞

便作人閒砥柱論九派榮光歸馬頰

河復北流

兩朝聲價重

龍門

奏調始同治甲戌迄光緒乙亥工成得獎

榮材似海籌全局寸土都留

指畫痕

賈莊侯林兩工相定頃基估計料物無不出自笙陔

板屋勞薪逼歲寒爲封面谷聚泥丸片言早定鴻溝界

赤手先登大將壇會看風波平陸海不容文字障狂瀾

江南萬戶同尸祝兩度宣房一水官

兩次河決下游均漫淮徐

落花詩和王春亭同年

冒因遲暮減丰姿戀戀韶光好護持老豔計須成密葉

浮生何故托高枝最宜茵溷無心處正是文章滿地時  
如此飄零總修潔一天紅雨洗燕支

金屋凝妝悄不禁鶯飛燕舞逐知音樓臺有影隨流水  
風雨多情任滿林宴罷名園無箇事賣從深巷獨何心  
海棠銀燭桃花浪珍重紅顏惜寸陰

天然榮落本尋常何必東籬盡傲霜隔歲朱門人面瘦  
一年歸路馬蹏香不勞飛絮愁萍梗爭共銜泥上畫梁  
留得素心根蒂在儘他風日換炎涼

屐痕泥印認芳菲愛惜餘馨便掩扉一瓣心香林下是  
十分顏色鬢邊非莫依塵土愁難埽爲待東風故不飛  
怪底老梅今耐俗纍纍結子雨中肥



賈莊堵口之工屢瀕於險三月初六日兩埧合

龍河復北流諸工員由黃河大流行張秋大清

河同舟歸省有作

一夕滄桑有古今洪流千里渺蹏沔橋橫鐵鎖南溟小  
浪拍金隄北溜深飢溺在人關氣數挽回無日豈天心  
江淮萬戶知高枕不信秋來便陸沈

誰教重坎復夷庚徑向龍門策馬行往日風雲何不測  
本來流水自無聲驚疑乍定神工出成敗攸關造化爭

怪道雙輪生四角天然螭吻接中泓

南北埧頭東西互轉相左至四五丈

已而北正埧西角與南邊埧東角相值

中離二丈餘反乘此下占得合亦神矣

中泓十丈跌塘高溜窄門占刷底槽

龍門外低陷曰跌塘戰定危

城雙闔下泥封面谷一丸牢風流人物淘將盡梗化魚  
龍去未遙隻擢南湖濟行不得好乘清濟大清河送歸舫

贈節署記室穆芸閣司馬崇濱歸自河上

行雲出岫有蹉跎十載侯門爲禮羅詩酒閒情蒼岱屐  
滄桑餘感洞庭波書生命世詞章貴記室論才將相多  
我凜非公君杜客相逢何事數經過

殘年風雪共菱防歸路輕濤大舸杭徑許頭銜膺六察

可知手檄草千行戴山恩重榮宸翰穆本名宗濱河工奏報案內明

發論旨以二字適同穆宗廟號特改宗濱爲崇濱寓敬避之意今遵之問水功高觀國

光記得魚龍鑒戰地舉杯今日凱歌當

哭弟治卿四首 乙亥九月

臨歧揮手已銷魂，骨肉天涯亦僅存。  
有母方期兄得祿，無兒猶幸姪生孫。  
百年誓不分門戶，來世還應是弟兄。  
一畝西堂春草夢，寢庭誰復代晨昏。

艱難身世半生俱，待我歸田願尙辜。  
病集一時關痛癢，與予同日患腹疾。  
竟以是殞其生，愴深同氣切肌膚。  
聽殘斷雁書無字，折到連枝樹易枯。

愁絕離痕回首是，對牀風雨訣明湖。

庚午歸自山東卽不復見

聚散無端又六年，異鄉加飯意纏綿。  
買山乍卜先人兆，作室勤支再造天。  
多病一官頻裏足，將衰半百蚤華顛。  
九京先我趨庭去，爲道相逢在眼前。

秋風零亂颺歸鴉，千里鴿原恨事賒。  
羣季驚心多就木，

兩兄病骨漸如麻可堪俯仰成孤掌不信安危係一家  
悵憶兒時燈火伴讀詩從此廢常華

補勤詩存卷之二十二

補勤詩存卷之二十三

山陰 陳錦 晝卿

捧檄集 丙子

歲次丙子月閏端陽簪節甫膺板輿適至止談風  
月事贈答以爲常便領湖山管送迎而作主合丁  
丑春日所作爲捧檄集一卷

老母挈孫曾來自南中六月五日抵署同寮祝  
嘏喜誌以詩

青氈垂老逐紅塵耿耿烏私愧未陳萱蔭移來千里遠  
瓜期贏得一官貧湖山饒有家鄉味菽水歡承退食身  
藉慰慈懷無別事身冠終歲不刑人

補勤詩存卷之二十三 一

親扶鳩杖下雲耕衣綫愁痕澣十年祇算折腰因負米  
可能徒手請歸田百寮喜晉期頤頌兩地平分繞膝緣  
莫爲思鄉愁道遠板輿安穩託吳船

日本士人岡本監輔號韋菴者通中華文字喜  
讀書自天津遊濟南筆談數日頗識道理出其  
所著開國論數萬言恪遵周制閒有發明臨去  
乞書近作並求瞻謁闕里爲作此詩以導其行  
如天聲教訖遐荒重譯來觀上國光鼇極風雲環海岱  
雞林賓旅重文章梯航萬里通丹徼俎豆千秋式素王  
切玉昆刀無所用挂弓先已薄扶桑

東望陽嶠路不遙長風一夕度秦橋莫爭蜃市修邊備

好爲龍興翊 聖朝異域何來求字客同文宜訂讀書  
交還鄉若問中原事兵氣於今日盡銷

和丙子秋間監臨丁少保詠雁原韻

時有一雁飛集闌中

九日乃去

並呈典試鍾雨辰

駿聲

曹霞屏

漳

兩太史

橫埽煙雲筆敵前來賓爭向桂花天羽毛養到初豐日  
指爪緣留大比年千佛題名催鶚薦九霄歸路趁蟾圓  
賀公得士應如此高唱鴻臚我最先

丙子九月李采臣方伯陳俊臣廉訪兩同年集

同官公讌少保中丞丁公於龍洞佛峪憑眺竟

日時公方奉 命將總制蜀中矣卽席感賦二

律

寒山叢碧寺門前絕頂煙蘿繞屋圓斷岸有聲飛瀑下  
危崖不墮古藤懸幾人壁立能千仞奈我塵趨動十年  
行盡崎嶇來福地畫中雲樹洞中天

檠戟登臨列從官錦屏秋老雪花團

三日  
前雪

回頭莫訝齊

煙小放眼應無蜀道難冠蓋風雲多聚散洞宮鱗爪亦  
高寒萬家生佛能常住滿座如來皆大歡

九月二十日獨宿龍洞

坐對寒山十二時洞門深黑滄龍池佛幢罕地雲歸早  
僊掌擎天月到遲萬古松篁風裏語六朝蘭若壁間詩  
出家竟日甯非福半榻橫陳作住持

十一月十五日送丁穉璜制府北觀至齊河遇



雪

仗節馳征望 帝京十年海岱勒勳名  
當頭明月長安近 有腳陽春蜀道行  
舊治關懷成故里 好官臨去見民情  
隨車不盡豐年澤 滿路飛鴻踏雪迎

送穆雲閣從丁少保入蜀

海岱投鞭舉墜歡 湖山佳日儘盤桓  
登龍有價酬名士 倚馬多才博好官  
草檄記曾磨鐵硯 迴瀾爭共數泥丸  
自今蜀道平如砥 莫作王尊叱馭看

湛露新恩叩 帝閣舊遊巫峽夢  
重溫伯長嗜古偏投筆 無已耽吟尙閉門  
臨別似嫌尊酒少 懷人時有好詩存  
巴山夜雨蓬萊日 一掬鴻泥聚散痕

齊河渡黃

大河方落汛短櫂正斜陽立馬鞭官渡歸鴉闥女牆行  
雲自來去風日半炎涼我亦長途客相逢一舉觴

雪行

老鴉當午唳城頭渴岸隕雲僵不流行人脫屣坐喚渡  
斷橋危石殊可怖九天飛下白鳳凰珠光玉耀雲山蒼  
寒漿潑地不可埽拳跼負凍疲驢叫柴門稚子三日饑  
歡呼踏雪不須衣斗米千錢食黃獨爲道天公今雨粟

題管敬伯司馬讀雪山房圖卷

韞山公遺蹟  
題詠甚富

杜門謝客三月病肺熱開門有客示我讀雪圖清涼滿  
目起沈疴濯我魂魄遊冰壺主人作圖復作詠圖中十

笏先人居白屋青氈世細業高曾手澤馨匡廬著書松  
老皴凍綠琴材百尺摩修梧燈火牀頭冷猶語梅花月  
下寒更鉏此中有人呼欲出豸冠爰爰攻三餘家有木  
榻無遺金堂構故與田園殊當年韞山老人文望隆京  
國名流過從求操觚結廬退直剛映雪天花諫草紛縈  
紆百船書畫歸舳陵便攜舊額顏新聞圖成雙壁富題  
詠南齊召南北竇光祿鑒文譽乾嘉詞翰萃於此牛腰  
大卷供清娛亂後園林忽無主琅嬛福地罹荏苒豺狼  
當道不識字如山鄴架填厠牕獨留此屋三易姓呵護  
得與文人俱琳琅萬卷不知處奇礪古木存遺珠文孫  
念此投筆起丈夫何事長守株萬里壯遊輕故鄉廿年

腹笥抵藏書隴蜀名山了可數歸來三徑應未蕪仕齊  
世守牧民訓不宰天下宰方隅邊庭將帥方需才交章  
薦辟催鋒車高官畢竟妨著述三徵不起辭眞除明湖  
山水良不惡閉門作史息吳趨一時名士從之遊補作  
此圖珍璠瑒涼痕一段出懷袖彤雲潑墨寒鴉塗世上  
人情手可炙對此勝受十斛瓊漿料與君同遊復同病  
令我披圖根觸生感吁亂離結髮逐戎馬中年浪迹隨  
屠沽時平胡爲久行役秋風鬢影彫頭顱大好江山不  
歸去坐視人間草木朝榮而夕枯橘庭搖落不可埽子亦  
有橘庭遺蔭圖誌霜花歲歲薤園蔬青燈伴侶倏已盡  
幼時趨庭受書事一官老大那不思蒹鱸問君何日還讀雪我亦扁舟訪

戴乘興歸鑑湖

題錢立吾所藏吳越忠懿王金塗塔搨本

金塗塔者吳越忠懿王所造銅質金文高四寸三分  
上有兩耳各刻寸許佛象蓋頂作浮圖七級中節僅  
搨一面刻尸毗王割肉飼餓鷹餓虎狀塔陰一十九  
字曰吳越國王錢弘俶敬造八萬四千寶塔乙卯歲  
記分列四行下有人字橫當其隙考係周顯德二年  
忠懿王造作功德埋國內名山宋明閒掘地得之圖  
記甚悉此本乃王裔立吾大令得自淮陰頤志齋主  
人丁仲山觀察壽祺者乞詩於予旣爲之記復題長  
句歸之

法王愛物如愛人鷹虎當前能捨身英雄割地如割肉  
尺寸山河甘戰哭諸天殺戒幾時開逐鹿中原秦已來  
降至五季事割據基局興亡若朝露十國邊烽錯犬牙  
殺人如麻不知數尸舐下世度人忙半壁撐天王一方  
祖宗尺土苟可守各君其國夫何妨不然眞人首出稱  
臣便甯使授圖數貢辭南面毋使一軍十三州民死爭  
戰羣生獨何辜富貴非吾願慈航一葉載降旛浮圖七  
綬蓮華見顯德初惟乙卯金塗塔錢王造子孫黎民於  
時保以大慈悲禮三寶八萬四千功德除煩惱龍天象  
教鏤金身投崖飼虎飼餓鷹耳可割矧伊地首可捐矧  
伊民一紙朝天活萬人十行八功頓圓滿表忠之石鐵

券金藏之名山無古今神物千年不可見靈巖寶剎窮  
搜徧難得王孫拜畫圖名門故實留形模王孫與我家  
鑑曲清平案代蒙王福布施視此塔中文他鄉飲蜡猶  
尸祝時浙人建會館於濟南祀武肅王淮陰市頤志齋吉光片羽無朋  
儕以贈王孫何壯哉嗟哉王孫亦詩才

題宣疼梅

鼎

墨戲圖

圖畫戲四十劇

爲江小梅

沐而冠吾知其爲猴茶而盤吾知其爲鳩孫叔而復生  
驢姬而夜泣吾知其爲孟與施之優一囊粟飽侏儒一  
石酒醉淳于好隱請爲隱人鬼爭擲揄乾坤顛倒紅氍  
毹貌寢郎一何惡支離疏工謠詠丑紐存嘉名鼻堊不  
可斲上有風流南面王下有僊籙東方朔團扇悲歌柳

敬亭邇年絕調傳絃索  
詆諆謫諫仗縣河命世文章罵  
世多屈身所貴能事主佞  
時行郭橐駝要與無鹽鬪  
奇醜遽條在前戚施走變態  
隨人慣不同朝爲美人暮  
蒼狗相君之面訝奸雄談笑  
攫鱗動九重簡兮秉翟多  
賢者忠義時出優伶中卽今  
世事都如戲戲場無復眞  
天地鐵面冰霜按面遭千金  
賣笑慙無計君不見七情  
所感生緣因嬉笑怒詈貪癡  
瞋眼前誰是眞面目老大  
還學東施顰有時雨立仰秦  
旃自顧不如俳優臣圖中  
人圖中人胡爲倚門曲媚  
骯髒終其身吁嗟我亦圖中  
人

題桂笙陔太守

德均

所藏周虢季子伯銅盤銘



搨本

盤故存寶雞虢川鎮以建武銅尺繫之長五尺九寸  
一分廣三尺七寸二分高尺有八寸中深尺有七寸  
四足高二寸十五分寸之一八環徑三寸重約今權  
四百五十斤先經鄆邑令陽湖徐變釣得自道旁槽  
樞開拓出篆文百十一字曰惟十又二年正月初吉  
丁亥虢季子伯作寶盤丕顯子伯庸同武于戎功經  
維四方薄伐獫狁于洛北夷之水名之陽折首五百執係  
五十是以先行桓桓子伯獻戢同于王王孔嘉子  
伯義句王格周廟宣榭受卿原文受卿亦訓受饗今  
王曰伯父孔覲同有光王賜乘馬是用佐王賜用弓

彤矢其央

同英

賜用戊

同鉞

用政蠻方子子孫孫萬年無

疆

同疆

蓋周宣王五年至十二年伐獫狁時事也虢氏

仲叔皆王季之穆仲封西虢叔封東虢虢川地當西

虢則季子伯必是仲裔咸豐亂後盤歸六安劉省三

軍門銘傳云

自古銘功則制器甚者乃鎔百石銅禹鼎三遷祖龍死

千年一劫秦灰紅銅駝石鼓同荆棘寶氣銷亡甘伏櫪

可憐青眼屬泥塗太阿爭待鵜膏拭摩挲一百十一字

攻車同馬中興事上言太原薄伐勳下言天府彤弓賜

黃庭初搗徧人間燹火縱橫又卅年戰血模糊土花碧

道旁飲馬投千錢神物流傳終有屬將軍慨贈囊金贖

後車捆載歸名山龍文百斛橫刀讀文人好事繹銘詞  
皋謨虺詰韓奕詩西征不假秦非子黍離周室良可支  
皇皇宣謝勞還率想見中朝敵愾時

沈篋生世丈遊靈巖畫冊

五岳歸來猶看山筍鞋藤杖窮追攀上有丹臺石鼎之  
斑斕下有渡杯飛錫之重關翠磴流潺潺支公一去何  
時還是時秋雲莽岱麓白雨淋淋濯松竹西風吹裂鐵  
袈裟石名洞天猿鶴紛相逐先生餘興極天高聳軀絕頂  
卑雲霄蒼山大林了可數縮臨粉本圖生綃濟南名士  
多倪迂題吟積軸成牛腰賤子不文憚登陟名山咫尺  
慳良覲借君圖詠當臥遊四坐煙雲動寒碧林扉澗戶

悄無聲此中有人呼欲出

冬夜四首

弦月窺窗罅帷燈洞壁渦籬邊霜信早風裏市聲多  
閱世深如海逢人慣不阿文章身後事隨意扶縣河

亂後猶長劍公餘又短檠尋梅初有信落葉漸無聲  
書課雛孫讀門容熱客迎攜家還捧檄差慰板輿情

秋色寒如此長空雁一行家書隨客至流水送人忙  
冰液浮魚白霜膏別蟹黃故園佳釀熟閒甕卻思鄉  
况復驚垂老無端憶少時幸承萱樹蔭愁廢鄂華詩  
水落魚可數官廉鶴不支著書歸未晚祇是種松遲

偶成

少陵心史是平生經訓舊畚已輟耕轉爲親年求祿仕  
莫名歸計敢陳情眼前赤子晨飢色是歲荒飢民就食者萬五千人膝  
下雛孫夜讀聲我亦應官愁踏雪有人先我報詩成適東  
屏以詩至

送黃漱蘭學使體芳自山左還京師

梓里儒宗數永嘉

公瑞安人

再持玉尺賦皇華大東文物歸

珊網小宋詞章豔碧紗

公兄體仁體立同登科第公獨以癸亥冠南官

勝友如

雲時賭酒臣心似水但煎茶鴛鴦繡出金鍼在載入行

裝抵五車

時方刻山左試牘告竣

搜巖採幹貢皇都更盡一杯辭茗湖白日黃河之渙

句浮雲蒼岱大癡圖鴻泥雪印留星驛獸炭春痕動

御鑪會看頭銜新雨露蔚藍山色換冰壺

曉出西城

送別城西日未明蒙頭霧淞涴蜺旌橐駝鳴圓移山走  
犁犂呼牟戴石耕信馬嚴催官燭爛哀鴻飢擁客車行  
可堪粥廠晨炊熟萬口哆聞痛啜聲

時設粥廠賑饑

輓徐訐卿

春暉猶未冷斑衣小草俄聞朝露晞總帳離鸞空對泣  
海天哀雁竟雙飛愛名若命才先盡薄宦無家計總非  
羸得遺書充鄴架呱呱黃口尙嘯饑

殉身還帶不平鳴刺骨文章願未成世事可堪論勝負  
熱腸終竟殉功名生存敢道交深淺死別方知誼重輕

幾度苔岑添宿草盛年顛顛使人驚

濟南僚友王伯尊丁小農諸君皆少予十年有  
過人才而賁志以沒訐卿尤少亦竟已矣母老  
子弱賴同人治喪感而作此時丙子十二月初  
七日也

我生不自量僭懷民物憂仰視蒼岱雲俯吸黃河流當  
其腸熱時痛癢關同儔往往重氣誼憐才及交遊矧伊  
文字緣但知臭味投頽頽青雲間慷慨騁騁驪飲食有  
訟獄藥石無恩仇長存富壽身用洗風塵羞兔狐傷其  
倫自命同不侔何圖忽壯死華屋瀕荒邱豈勿念母老  
涕淚橫衾裯嘔盡熱心肝片語無可留修竹故不實高

梧偏早秋枉令生死交太息輸麥舟

厚賻推豫東屏鵬鵬搏扶

搖去住一浮漚故人少青眼新鬼多黑頭敢是造物心

負馱憐馬牛紫府收異才一舉拔其尤不然三神山添

修五鳳樓斷雁忽有偶碧海騰雙虬

許卿有兄夢江舉家沒於海

杯蓉城陰

謂丁顧曲緱山幽

謂王伯尊獨遺屢榻縣膏火寒

燈篝我思總角羣強半眠松楸搔首悲五噫歌泣紛臆

颺長吉苦不年韓孟喪其述生存亦已幸何不爭唱酬

前有紅氍毹後有素旄旂行樂不及時白骨縈纖愁語

罷天欲雪凝雲平瓦溝哀絲張焦桐四座聞箜篌

得聞里所藏明代明良遺像圖贊摹本

丁丑

圖載三十七像太祖像二成祖憲宗世宗像各一并



徐達常遇春李文忠鄧愈沐英劉基宋濂章溢王禕  
方孝孺解縉楊士奇陳瑄周忱吳訥于謙薛瑄商輅  
羅倫邱濬謝遷李東陽王鏊彭韶蔡清陳獻章楊一  
清胡世甯湛若水王守仁張孚敬等三十一人各有  
傳贊由 國朝頒存孔上公者最後曹忠壯公良臣  
像及傳乃同治四年其裔孫惠慶守曹州時所補云  
濠梁王氣足千年風虎雲龍集應天投袂江湖皆將相  
運籌帷幄有神僊才多南國懷名世釁啟東林愧後賢  
一代人文原鼎盛當時鄭重畫凌煙

賚弼形求澤未湮仗戈先已式儒巾能令豪傑知歸命  
敢道興王嗜殺人幾輩讀書稱種子祇今名教亦功臣

滄桑歷歷丹青在都是尼山附驥身

孔軍推擊蛇笏

孔子四十五世孫道輔號原魯宋大中祥符五年進士為甯州

軍事推官有蛇出天慶觀真武殿中州將以為神率官屬拜奠道輔徑前以笏碎蛇首同官驚服今笏存曲阜衍聖公府木質粉漆厚寸許笏首尚有血斑

澹臺蛟昌黎鯉妖由人興逢不若聖胃軍推色而作軍

推秉正禁官邪奧竈恥媚王孫家不遑臧文悅著蔡况

禮元武神龜蛇手執段公擊賊笏霹靂當頭驚棒喝巨

蟒銷亡鬼母嘯空堂俎豆都無色儉王喪膽紛倉皇丑

父幃中肱不傷泉宮蛇出豈足毀洧淵龍鬪夫何禳衝

冠怒世

入聲

妖鱗脆常山礮斷錢龍碎淫祠洗盡狄梁公

一朝懺絕杯弓崇直聲大震甯州軍軍察驚歎稱神君

世上有人詔非鬼徑須血濺魚須讀如文

鐵冠圖

是圖相傳出鐵冠僊師洪武十三年太

口餘生傳奇互有不得擅開說見綏寇記畧及虎  
子於曲阜衍聖公府見立軸長四尺許廣尺餘  
畫分三層上畫宮殿如太廟門盡闔顏曰垂裳  
而理階下一人作跪伏狀次畫煤山林木一人  
披髮左跣楹山樹狀又次畫各色旗置大甕中  
左八人兒童右八人武士狀與傳奇相似而去  
綏寇記畧遠甚矣究不知其何以存孔氏也

鐵冠神算高皇朝扁鑄天機鐵液澆子孫臨難圖斯出

建文之季出其

建文遜國時少監王鉞言高帝升遐  
有一篋云臨大難當發因碎之得度

牒袈裟薙刀按此後來髮亂苦冠多朝宮中有秘殿係先  
富是鐵冠圖之一

啟之得古畫數幅其一人委鬼茄花徧地歌萬麻閒有  
而七冠者曰官多法亂

日委鬼當朝坐茄花徧地五鳳樓前獲黃猗元歌於市者  
紅未幾而有魏客之禍

五鳳樓前曰天啟七崇迴瀾塔下簫貫竹成都迴瀾塔

禎十七還有福王一箭貫當胸謂獻忠死箭也簫不用竹謂肅也碑末署漢炎興元年諸葛孔明記瀉風

舊本供猜詳紅李枝頭縣一目瀉風推背圖有一株紅

沈載宋太祖取瀉風舊本亂其次第人勝朝圖識訖思

以為李闔之識實則李亞子繼朱梁也勝朝圖識訖思

陵祕殿先藏九廟靈寶篋有神滴天髓劉青田分明此

畫通幽冥九重宮闕垂裳理禁闔長局闌如洗中有一

人跪不起衰柳山亭哭鼎湖西風慘淡號弓烏下有兩

行旗楯錯立糾桓徒圖成二百七十有七載夢裏含冤

訴眞宰往事但看被薙王袈裟度牒今猶在由來鼎祚

有移時創業皇靈訓不知底是此圖偏再出問之老佛

夫何辭松江袁生燦若夢至一所歷代創業主會議革

命有帝者披髮伏地鳴咽訴枉明高帝語之曰

此事非我所能主當問建文皇帝按革命大事高祖尙不能主問建文何爲建文蓋遵鐵冠圖而出者也有謂王午甲申事多相類太后呂氏之與懿安皇后三皇弟之與三皇子馬后之與周后無不吻合且兩帝廟號及前後殉難諸忠順卹一時同出宏光然則是圖之作前爲建文後爲思陵與明祚相終始圖中第一層其卽袁生夢至今眞本留東魯尼山金石同終古爭道圖容卽境耶

帝容可能遺像明良補

至今圖與明良遺像及邊大受縣賞捕李闖示同存公府得毋

有春秋比事之義並存褒貶歟論古者當識之

縛虎榜

與鐵冠圖並傳者尙有邊大受縣賞捕闖賊告示一紙方二尺許上書大清

順治元年山西巡撫邊爲擒拏逆賊事照得李自成已經敗逃路過府州縣地方有能拏獲者賞銀三千兩容留者三族同罪爲此出示曉諭須遵示者右諭通知朱墨如新裝成立軸亦不知何以存公府也

一格縣縛猛虎一紙書其千古虎口餘生奮餘怒前有

乞師復國飛將軍後有同仇舉義鐵騎羣虎失其山不  
能君我不縛虎虎狺狺乃書斗大字榜之千軍前斬得  
虎頭黃金千能者視此巨賞縣丈夫作事不避賊煌煌  
姓氏供流傳昔者米脂令任邱邊任邱邊不爾活破其  
巢入虎穴爾祖爾父粉身而齎骨爾忘其親氣勿奪居  
然神器竊荇苻潛移九鼎據城狐不知尙有仇人購爾  
之頭顱大張曉諭赤手禽於菟二陵風雨河流急三晉  
雲山慘無色困獸淋漓觸網羅窮虎所之虎吭搯畢竟  
烏江一渡難不容猛虎徑還山吉光片羽存闕里討賊  
春秋義不刊

孟廟錢公升祀歌

公名唐象山人明初諫孟祀罷撤之詔附祀孟氏家廟廟

圯升主於廡久之子修孟廟方出公主別建一祠忽見公於夢知不可出乃復位東廡稱先儒

今猶祀之

孟門仲路再生年鄒嶧明禋絕復延利鏃堪胸易俎豆

敢以死諫功回天

公懷書入諫帝命以矢射之傷胸曰臣爲孟子死死有榮矣帝悟乃復孟

祀涕泣批鱗息餘怒不收成命無生還天降大任英主

喜

明太祖以草芥寇讎非臣子所宜言命罷孟祀或云讀大任將降語又復之

詔復四配存

七篇報恩廟祀出孟裔大書爵氏尙書錢

舊主猶稱明故尙書與兩

廡主式不遙遙堂構五百祀棟宇弗葺滋崩騫禮失野

求不可得舊章紊亂由忘愆論功豈出韓

愈孔道輔下

越俎乃居章丑先書生考古疑竿濫請從其朔日舍旃

鬼神愛名還若命怒目炯炯來牀前

時夢公舉牀甯過出子於地

補勤詩存卷之二十三 古

而存禮則有有其舉之無廢焉瞿然夢覺始大悟郡邑

私祀胡拘牽安藏剖心志猶烈朱雲折檻情最堅祇此

片言足附驥勝似揚雄徒草玄揚雄祀孟盆成罷耐還

復設異哉子叔以疑傳盆成括子叔羽翼名教非細故

徑許束脩行文宣小儒何敢議大禮應仍舊貫趨豆邊

是時廟貌新鄒聖質明行事陳几筵便分廡下一臠肉

敢憚此舉承訛沿十年洙泗參壇玷門牆進退操微權

豈無程徐矢同志此坐祇應公獨專同時上疏者尚有程公名徐今不預

祀再拜請公登廟堂重安片席儕儒賢爲文罪已乞神

鑒易置幸恕初念偏自今百世報忠諤煌煌祀典增三

遷孟氏廟志

曰三遷志



自題捧檄集卷後

牀頭尺棗伴尊壺殘菊新梅雪意癡千里迎親求祿養  
一官需次類飢驅才爲世用須知己老有詩存不負吾  
青眼垂垂湖上柳當年能識阮亭無

補勤詩存卷之二十三

補勤詩存卷之二十四

山陰 陳錦 晝卿

四餘繁話

夜者日之餘冬者歲之餘風雨者時之餘所謂三  
餘也予自入官來吟詠不輟雖文牘縱橫舟車歷  
碌記行記事悉出公餘是於三餘外又得一餘矣  
時則據梧小隱掩卷低吟大月方來短檠欲語併  
錄近作以付手民卽名其集曰四餘繁話

章芝生同年松鶴圖

名昌駿原名傳堪會稽孝廉自作此圖屬題

四十憂時故不仕蠹食蠅鑽困一紙五十貧病牢不官  
舌耕筆耨田書田人閒榮落凡幾度車笠寒盟不知數

峻嶒傲骨存眞吾寫眞自作松鶴圖  
天空地闊向誰是  
俯仰茫茫一章子章子故是人中豪  
名場一舉空其曹  
能文便歐長吉血忤世不解揚雄嘲  
春官七上長不第  
坐抱陳編富詞藝鄉關文望屬靈光  
後學填門求一睨  
授徒餘業還著書龍鱗種老寒濤  
噓後凋歲月飽風雪  
銅筋鐵骨何清臞臞僊對此益高臥  
雌伏林陰羞老大  
有時奮翻凌蒼冥九皋清唳胎禽和  
郊寒鳥瘦一身兼  
物猶如此人何堪風雲颯沓鸞玄翅  
面目峭直生蒼髯  
窮愁變態成豪俠厚祿故人書不答  
肝膽論交能幾人  
關心還是陳蕃榻可憐聚散數蒼岑  
強半郊邨宿草深  
天涯臭味賴有此那得披圖無痛吟  
况我一官如豆苦

蛇足愁塵浴面光陰促養鶴年饑愧俸錢買山力儉辜  
松竹閉門索句三千篇壽之梨棗傳後賢文章有神交  
有道由來結納須性天君今得天亦良厚鶴算松齡作  
三壽骨肉緣慳俗累輕田園計拙廉名舊我亦辭官歸  
鏡湖世外重尋倔彊徒認取黃河泰岱一卷詩中圖與  
君臥遊話舊日日領尊壺

君善飲二十年授徒鄉里有文名今猶未仕

悼霞軒姪

名士炳甲戌進士分駕部納貲求外  
宰元氏三月疽發乳卒年三十有五

惜之

塵海蒼茫掇片楂竿頭紅日貢朝霞好風慣折初生竹  
嘉樹難容再實花未卜前修兼福慧枉教人世惜年華  
饒他末路廉名在此地原無惹苴車

便試彈丸捧檄輕鳴琴三月了平生一官已費傾家力  
片牘都銜歐血聲自昔男兒憐性命有時天意薄科名  
多錢善賈夫何恃宿草縱橫淚老成

枕上口號

似水愁波落枕槽詩魔相守睡魔逃燈枴悄落月初上  
簾櫳斜飛風自縲苦鳥呼羣成險語疲驢警旦動飢號  
黃梁已熟人還醒夢到邯鄲紅日高

山中懷人詩十首

何黎輝中翰

名燦山陰人壬子進士出爲甯夏同知嘗隨父任昌化司諭肄

業學舍以孝友著  
亂後失明告歸

廣文有令子先我山中讀隔院聞書聲對宇開茅屋論

交始文字趨庭味苜蓿執卷躬家脩幼行互相勛爲之  
治母喪道路感且哭十年蛩駘行痛癢同骨肉少長登  
科名輪蹄苦紛逐驅馬獨之官高唱西涼曲歸來值世  
亂痛父失雙目賢孝良可風宦情罷知足似茲總角交  
日夕心往復久絕故人書將毋譏厚祿

姜春士孝廉

名之燿已酉河南舉人原名輯  
之食山陰廩餼有文名遊幕汴

省年六十卒曾  
肄業昌化庠舍

隱隱南屏鐘比舍羅羣材翩翩東牀客負笈來下帷挑  
燈共几硯雜誦聲相隨我方躋童軍君亦困秋闈文章  
恥顰笑畫出雙蛾眉埋頭碧窗隅縱步山城隈十年不  
相見公車同計偕皇路聯驂駟愁顏一爲開聚散胡不

常重逢鬢已縷老別竟隕涕銅山忽其頽回看太白樓

寒月鋪冰苦痛讀姊歸行思君肝腸摧

姜爲子姊夫

宋鐵山儒士

名珮山陰績學治春秋隨父在昌化司論後卒於里

讀書能不第老作經人師柯亭一椽竹清風爲之吹言  
念賦梅郎冰署同追隨少壯治春秋映雪下書帷尋親  
越遼海韞足履邊陲歸來面鰲凍皤然毛髮衰毋乃有  
潔癖洮頽生光輝二老已駘背弟兄齊龐眉硯穀抵俸  
錢萼菜生南陔俯領孫曾行蘭玉何纍纍只此天倫足  
誰言祿養虧令我慙不才富貴亦奚爲

方在卿孝廉

名登俊昌化人已亥孝廉有品學亂後防昱嶺關敘功得縣令

謁選卒於京

下邑科名貴閒世而一生雅量挾清放高懷工唱賡僊  
風與道契一顧尤心傾當其語世事意態何縱橫三年  
昱嶺軍百篇瀚海行雖無尺寸柄頗關民物情大氣所  
盤礴雷霆不能驚一官渺如寄魂夢依神京翹翹近聖  
居車笠多寒盟幾人吾師事風雨焚孤檠

陳少卿茂才

名治卓昌化廩生肄業庠舍病瘵早卒

芝蘭故不實梧桐偏早秋粹然如玉姿咳唾成琳鏐負  
笈陪鯉庭萬卷同研撾嘔血動盈缶痠骨蟠龍蚪本是  
病維摩況經蕭寺投仰視鷲峯高俯挹溫泉流撒手辭  
苔岑老樹鳴鵲鷓臨風此弔古故鬼生新愁

胡傅齋茂才

名型昌化岸生居雲老村信訛語亂後舉家殉焉



森森栗谿水遙遙雲老村上有飛瓊臺下有步韞痕十  
年下孺榻百倒盡芳罇道是神僊徒滴髓窺天根臨別  
停行舟款我具雞豚祖餞及婦豎問視代晨昏牽衣不  
忍去冠蓋填里門自茲一揮手笑語無重溫狼烽燼華  
屋今其子若孫三生并無石松竹徒爾存神僊竟安在  
谿流去如奔願言步芒屨令我悸心魂

錢晉齋廣文

名蔭恒昌化廩生幼從子問字  
庫舍講心學亂後無家出爲湖

州校官  
今卒

入門呼小友總角登鱣堂百試請他題執卷聲琅琅少  
小重氣義耿耿憂滄桑麋鹿興箐叢大劫遭紅羊弟妹  
死勁節墟里成邱邱亂離存一身齋志逐名場不礙冷

官冷苜蓿生奇香重尋束髮師雲水空蒼茫十年一握手  
涕淚霑衣裳何圖死生別咫尺瀕參商哀哉孔喪顏  
一慟增栖皇

周紹虞武生

名炳南入昌化武庫有藝力嘗出入鬻舍後卒於難

比舍生三千忽來虎臣矯挽弓須挽強百試中飛鳥男  
兒輕死生戛戛貴獨造十年結客場身手老尤好漸求  
儒懷交四十未聞道願我山中居登堂謁二老送我桐  
江行歸程逐寒蓼天然遊俠資悔不生燕趙一諾猶千  
金肝膽不在小

胡良玉茂才

名琅昌化文生信訖寡言語愛習靜後卒於難

醇酒能醉人其味淡以烈醺雲僵不流枯木槁猶立中

有眞性情動無大聲色如言不欲戰隱隱苦腸熱大力  
抑豪放羣材窘柔克千人廢煩譁眾喙一時塞契合宜  
神僊天機妙於息對君如佩韋所在愧弦急

陳午橋星橋兩茂材

名祖搏祖舜皆昌化諸生從事庠舍讀書紫雲

山卒於難

貨殖亦高弟何止賢屢空吾徒有善賈賣藥師臨邛願  
讀黃農書百物備籠中填簾不相下飄然誇幼聰阿兄  
善左腕虞戈施倒攻阿弟造鳳樓赤手鳴雕弓負笈登  
高山紫氣團雲封裹足絕人境夜聞枯僧鐘朗吟入霞  
表梵唄雜天風我遊茲山久題壁虛紗籠憶君讀書處  
青蓋蟠虬松縣崖儻已墮飛石騰蠶叢

夏日得同年王春亭書卻寄兗州道署

鵲橋花市賣紅蓮十畝蘆田筍有鞭  
夜雨時聞沾酒屐  
秋風初放採菱船  
觀魚水檻消炎法  
飼鶴閒庭養拙天  
長晝半從眠裏過  
由來度日尙如年

問世光陰逐汎鳬  
感時情緒託嘯鵠  
詩難割愛刪常少  
某不爭先著慣輸  
百戰才名成老大  
十年顛顚設江湖  
論文樽酒今誰屬  
蕉雪寒山輞墅圖

展閱綠雲吟草有作卽用其桐江舟次詩韻

遠山猶黛幾時舒  
十載紅闌閉戶居  
空使鄉心隨逝水  
更無歸夢續牽裾  
自天錫命從夫爵  
有子攜雛讀母書  
回首風光渾不是  
畫樓明月照人初

附錄綠雲女史原詩

帆飽霜華冷不舒  
雲天何處認幽居  
酒杯猶飲家鄉水  
歸夢重牽阿母裾  
心事避人多強飯  
淚痕入硯正封書  
寒星朗月灘流急  
知是潮聲欲上初

贈錢立吾

十度逢人說項郎  
坐看毛穎託錐囊  
匣中劍膽縣秋水  
領下珠胎泣夜光  
要駕有材非百里  
扁門立試便千行  
朝衫一脫青氍毹  
貴金綫工夫熨嫁裳  
一身蛩駝尼征輦  
耿耿南柯夢未寒  
長吏才同良將僅  
高文天作顯官看  
襦衫襪被吹噓煖  
壇坫湖山位置寬  
底是名心消不盡  
倚閭情重要彈冠

贈趙菁衫

菊酒橫塵榻蘭膏損玉臺

謂許卿

白頭詞客在青眼故人

來舊雨挑燈感秋風拔劍哀可堪空聚散鄭重集詩才  
况憶題餽會驚心數墜歡幾人還落帽餘子儘彈冠著  
作登千古才名掩一官莫攜琴鶴去長醉十旬拌

題甲戌九日登高送趙菁衫歸隱詩卷後

卷爲予手書贈徐許卿者前後自錄二詩中附許卿  
菁衫立吾詩舫和詩各一乞圖於王五橋司馬未就  
誤投瓶水作屋漏痕旋即別去越三載菁衫再至則  
許五二君下世經年矣得是卷遺篋中重徵題詠率  
成二律再別菁衫

磨甑面壁印枯禪箕踞胡牀問散僊雪裏梅鉏孤嶼月  
霧中花老杜陵年短檠長鉞攻愁嗽熱酒寒蔬療病天  
忽聽叩門人剝啄移文幾勒北山篇

牛腰詩卷鵲華秋好句曾淘萬古流徐孺當年還下榻  
仲宣自此不登樓等身書負平生願一字師存物外遊  
布襪青鞋千載事敢呵風月避鳴騶

寄應敏齋廉訪

寶時

時退歸武林

鄉闕裙屐幾同舟京洛緇塵感盛遊

幼時共學西湖咸豐初兩次同上計

借捷徑風雲羈老馬

葉春伯王小鐵久仕邊陲陳子莊陶肖農猶官江介

平泉花

木散閒鷗

鄭譜香醴使金少伯章京比歲同歸湖上

匡時有志難青眼喚舊

驚心易白頭堂上萊衣衣上錦湖山一曲抵封侯

屏藩江左見清時敏齋六陸賈南來半壁支壬子元宵同謁湖上  
白祖壇得乩語有陸賈來南越將軍出北平海上雞林  
之句後果共仕滬中隨李爵帥會夷兵勦賊十年犯難鏖  
都識字秦中白傅自吟詩謂子集中東南  
名早千里辭官覲面遲敢道故人今厚祿明湖秋柳總  
相思

天涯行乞圖爲董楚生茂材題

芒鞋竹杖走天涯百衲乾坤布袋開不信萬鍾偏蹴爾  
可堪一飯便嗟來吹簫華胄人爭識把釣王孫我亦哀  
敢是飢驅陶靖節酒錢傾盡菊花杯時方重九

十方瓶鉢托高禪賣卜傭書亦偶然壯歲豈容無事食  
丈夫何故受人憐江湖落拓輕千里世路崎嶇重一錢



若使播閒眞富貴齊門車馬更喧闐

送家少珊州牧之海州

千里家駒海角來

少珊本自海州來東

十年刮目上強臺痼瘵世

守循良訓緩急先資綜核才

時赴沂海籌滇捐

芒碭秋風行色

壯鵲華歸路簡書催何時卻踐湖亭約不問瓜期間隴梅

題王小谷求真圖

畫桃柳流水

海日倒挂珊瑚枝金風亂拂哀桐絲嬌紅穉綠華桃李  
蓬蓬流水春如綺裊指旃檀十笏居此中有人喚不起  
天而言者風與雷神而言者著與龜安得聲暗燭瞋叩  
蓬萊叫天不應良可哀聖人設教以神道大造無言言

亦好借問大造言者誰代天行化僊所爲叵耐無徵人  
弗信力求聽覩妖魔趁空谷傳聲如有聞劃沙成字尋  
泥印有時片念通幽冥漏痕釵股何瓏玲五更山鬼書  
丁丁警彼卦繇詩識奇且靈十洲三島不可卽玉宇瓊  
樓恣奇闢本來耳目所不經琅嬛萬卷天機密梓潼山  
裏寺鳴鐘文昌吐氣鸞銜筆吾鄉健者摩詰維侏儒貌  
寢文字奇三旬九食恒不飢苟全性命便期羨反視童  
卯皆軒羲亂離不死勤冥索求真斗室窮幽漠除是桃  
源重問津打頭紅雨琦花落披圖瞑目與神遊洞門一  
葉漁舟泊

記吳興趙竹生孝廉殉節事

咸豐初趙竹生孝廉景賢以鄉團守湖州郡城凡三年無戰不勝卒以糧盡陷奸民導賊擄公入蘇州不屈僞忠王李秀成重其名令羣下守之優以禮公痛哭怒罵無所不至竟不得死乃放浪詩酒元日令節衣冠率諸生陷賊者數十人哭文廟望空拜闕賊不敢犯後以永昌徐六內應事洩同遇害時吾甥山陰褚鏡湖及錢塘茂才溫某以詩酒從公遊知其事先自賊中逸出歸予滬中持公詩數十首見示今其集存褚鏡湖未刻同治初滬上獲湖郡奸民卽當時導賊者旋伏誅公亦奉 朝命優卹子女各一俱幼以父殉於難均不食死時人義之

孤城鵲突水雲邊半壁湖山計瓦全偏是書生能殺賊  
可曾赤手便擎天三軍絕粒重圍合千里無援望眼穿  
畢竟池魚歸末劫江南尺土盡烽煙

百戰餘威恨未平漢官持節見蘇卿  
我冠冠痛下朝天淚  
投筑驚聞罵賊聲  
反閒無成身已死  
歸元有日面如生  
河梁五字千秋別  
留得從容就義名

湖濶寒思

北極臺前落日昏  
寒湖流水到城根  
風聲一夜梳桐院  
霜信連朝薙柏村  
自昔軒亭名士貴  
至今宮府魯王尊  
菰蒲小淀藤蘿月  
照見前生面壁痕

龍洞

萬狀奇礪管鑰牢百重飛棧涸靈濤藤沿挂壁風行倒  
石塹方山月印高巖露涼先玄鶴下洞雲腥與毒龍遭  
天根加意盤華嶠禁得黃河怒浪洶

曲隧螺旋隻騎通陡從平地疊崆峒削存殘碧橫天半  
縮取穹青入甕中絕境孤峯尊鼻祖上方千佛怪頭童

龍洞在干佛山六朝蘭若摩厓字石上多北一埽人閒

鹵簿空

憶越中小琅瑯里故居

小琅瑯者越城八山中藏之一其山自琅瑯飛

去號飛來峯有寺及塔前明朱文懿公廣歸老建閣其下相傳有僧圓寂時以手書未竟金剛經屬其徒至小琅瑯求為畢書徒再傳雲遊至此得之公見經恍然如其請子舊居其里云

小琅瑯里百年居南澗

橋名醪河越王投有敝廬當戶一

峯藏古寺到門雙槩集宵漁要償綠野歸田願未畢黃  
庭隔世書爭似杜陵懷弟妹故鄉今夜月明初

懷蜀

歷事侯門義不私出山泉水十年遲無多撰述消餘日  
有數才名愧盛時總是感恩知己者敢云國士眾人之  
杜陵佳句蘭成賦夔北江南寄所思

秋郊散步

坐穿木榻也窺園默誦陶詩當避喧賈島閉門敲一字  
裨謚謀野獲千言霜林墮葉將花舞風隨驚塵作浪掀  
絕好名山還抱水道旁泉眼忽潺湲

出郭

出郭二三里道旁流水聲老樹葉猶健寒鴉時一鳴典  
衣且沽酒秋菊含餘英荐饑雖云亟世事良亦平道逢  
大官羊入市供朝烹令我思故鄉硯田蕪不耕大書乞

米帖歸作董生行

謂楚生  
行乞圖

野突日一點寒菁尚可食蕎麥零疏花飛鴻慘飢色冷  
露僵不濡微風向空織發棠夫何裨去秋權道事  
會發倉賑饑陳書  
乞有力出納非我司對此氣爲塞悄然張孤桐朱絲苦

弦急

題外舅勞又峯公藤窗懷舊圖詩畫遺冊

嘉慶丙辰公課讀陳氏尙古堂徐天池先生青藤老  
屋道光壬辰待試春明更闢藤花別館於宣武城南

作是圖懷舊旣而移居王漁洋先生故宅室亦有藤  
顏曰藤因徧徵名人題詠二十餘年積成巨冊咸豐  
初就養定州出圖示予命題不果光緒丙子其重孫  
錫穀攜至山左求爲補題則距公沒又二十年矣題  
詠諸公靡有存者滄桑播越子然一編披圖泫然謹  
續長句於後

前賢作室還種樹一株手植常千年生民未有孔氏楹  
七十六代森堂前三槐五柳不知處山邱華屋嘯寒鴟  
吾鄉奇士布衣徐表上天子爲霽顏詩才酒趣炙人口  
數奇老死存空廬吾宗尙古得遺址青藤繞室栖神僊  
勞山丈人方勝衣讀書其下情流連嘉卉有靈鍾過客



魏科歷歷喬梓聯

公與冢嗣佩蓀連登己卯辛巳賢書

長安市上同僦屋

栽花種藥城西偏杏林消息艱十試轉使橋井流甘泉

公以別館移居大如斗古藤陰下開一椽似曾相識懷

鄉樹入門恍見陳榻縣兩閒木壽本無算名流霑句金

石堅阮亭已矣秋柳寂蓮廬何意猶人閒海王村畔

宅在

琉璃廠東夾道元時爲海王村地

拜香祖丈人對此卜宅虔堂成醮客

步曩哲爲逢珠樹勞三遷塵中雅近琳琅市五陵裘馬

遊屐填目小蘭亭竹奇瘳意無龍爪槐蜿蜒

小蘭亭龍爪槐亦都

門勝地

風枝露葉描不盡生綃十幅圖輞川百家題賞徧

海內兩朝文物羅大編宰相賦梅猶未第右軍隻字論

金錢其閒大有千古士氣壯河嶽才驚天

圖中題詠百餘人王文恪

公鼎陶文節公恩培戴文節公熙以忠節著朱公昌頤  
 鈕公福保戴公綱孫朱公蘭季公芝昌登高第湯公金  
 釗倭公仁居宰輔他如杜公墀汪公守和蔣公祥墀伍  
 公長華李公宗昉徐公松陳公嵩慶吳公清鵬相繼通顯  
 光何公裕承黃公爵滋陳公紹基宗公稷長許公捷與  
 姚公元之端木公國瑚何公紹基宗公稷長許公捷與  
 戴文節書畫裝之璫瑁籠之紗千人捧讀萬指駢文郎  
 聲價尤隆  
 書畫故三絕名公貴卿爭周旋紅閨不櫛嬌二難勞氏  
 適予二其季手纂兄文都下傳當年朝廷重科目治中別  
 駕多儒員中山祿養譬歸隱圖書堂構隨青氈每懷故  
 里鄰剡谿剡藤作紙如柔縣藤灣交柯石獸綰馬廟下  
 二纏藤巷九曲珠蟻穿武林九曲巷二藤短棚櫻顚垂  
 荒冢奇古惜皆無名夏果不數塞外蒲桃纏嗟予袒腹忝絲蘿琴心感舊愁  
 鴟絃披圖盟誦案時日想見父老工丹鉛丈人手扶赤

藤杖指數姓氏談因緣酒闌人散能幾日徑度劫海撈  
桑田一堂三世俄拱木燕南趙北經烽煙遺書零亂如  
落葉支門健婦餘霜嬾東山自古金石藪訪碑問字哀  
鴻篇傳家靈蹟乘勝地昆孫抱冊來天邊塵封再撥如  
隔世燕許大筆驚四筵摩抄手澤拜遺影綠陰滿紙龍  
蛇眠京華人物多代謝郎里花木傳後賢安得造物壽  
朝貴嘉賓賢主同彭錢一圖三樹存亂後藤廳片石同  
不鏽吏部藤花廳亦前朝老樹古秀無匹詩成掩卷觸百感昔之玉潤今  
華顛惆悵續貂人老矣魯靈光殿亦歸然

題王春亭獨醒先生傳後

春亭非酒不寐

夜半牀頭索酒瓶惺惺還自惜惺惺一杯肯讓人先盡

萬事何堪我獨醒  
渤海清尊羊叔里  
羊流店爲叔子琅  
故里今在新泰  
瑯琊雄覽醉翁亭  
時春亭在  
兗沂道  
短檠孤枕邯鄲道  
行到糟邱  
夢不停

冬日書懷

勝地攜家便閒僚  
避俗堪壯遊  
會歷歷書味總醺醺  
閉閣塵蹤埽  
窺園靜契含  
秋容殘菊傲  
臘信早梅探  
煖酒花堆甕  
烹茶雪滿龕  
吟魂胡蝶瘦  
古趣蠹魚貪  
赤膽擎鑪炭  
雄心睨劍鐔  
倚樓長笛引入座  
短檠參射策  
身將隱封侯  
亂已戢  
宦情浮一葉  
鄉思醞千壘  
中歲衰先覺  
生涯死不諳  
數奇辭李廣  
才盡惜江淹  
爲道官惟百  
誰其益者三  
噬臍憐玉麝  
縛翅鑿冰蠶  
肯以蠅頭利而爲

補勤詩存卷之二十四 古

蠶尾婪歸田安斲弛面壁壽瞿曇莼菜羹初爛槐柯夢  
尙酣有羣空冀北無徑捷終南時事模稜壞功名老大  
甘登壇當健將運甓亦奇男蛙紫觀天井蟾圓印月潭  
卅年行眊耗雙鬢墮鬢髮此日猶投轄幾時還解簪

同簪

五株彭澤柳一酌洞庭柑梅市神僊贅樵風羽客擔白  
春菰米飯紅綻枇杷籃金籠晨調蟀芸編夜辟蟬道心  
揮塵得雅量飲醇涵楓葉霜前樹橙林雨後嵐臥遊圖  
緩隸暝走步趁暉竹裏樵青屋蕉邊懷素庵已成環堵  
願敢抱布衣慙鯉對家聲舊皋比世澤覃魏科高弟列  
白咸豐戊午至今門下士登乙科者二十  
餘人孫汝贊鮑臨周福清周騏入翰林  
厚祿故人面  
兀自夷憂樂何妨病頤頤總腰消鶴俸裏足息鸞驂莫

問天胡醉容知我獨愁飢腸徒碌碌愁語忽誦誦蒼岱  
平如砥黃河濁似汨雲陰龍洞黑煙點鵲華藍縣榻招  
良覲推襟極痛談湖山誇海右佳句杜陵耽

詠太極圖

直從三易溯權輿雲象回環肇六書祇許帝王同建始  
不容天地號皇初一團元氣何文字萬古人閒此畫圖  
那得乾坤無父母至今北極是辰居

詠如意

連環七寶稱珍藏八尺珊瑚寸鐵當任爾指揮隨玉帛  
逢人持贈徧巖廊大名顛倒公孫季季孫意如小字分明孺  
子王趙王如意意不盡言言不盡爲歌天保九如章

補勤詩存卷之二十四 五

贈張樵野觀察蔭桓

投筆侯門鬢尚青  
琴書清曠闢畦町  
肯因科目求文字  
便博高官亦性靈  
萬事無如天雨粟  
百年經見海揚舲  
明湖風雅今誰屬  
秋柳依依識阮亭

索句非難索解難  
倩君牛耳主吟壇  
屢聞世上黃梁熟  
愁憶天涯宿草寒  
幾輩讀書能識字  
一時名士盡彈冠  
牀頭尺橐成何事  
留作蜚鴻爪印看

述懷柬蔣輯五同年錫瑞

竹鑪茶竈奏銅瓶  
菊圃鄉心惹畫屏  
覆醬一編成藉苴  
含飴千字美甯馨  
秋邊楊柳愁邊話  
河上清人鬢上星  
惆悵論交徧湖海  
祇餘三徑惜惺惺

贈蕭紹庭

正字宗風翰墨香賜書門閥彩雲長

紹庭昆明世族

蘇家傳子

惟科目

尊人質齋先生由翰林出仕山左紹庭隨任讀書固家焉

侃母留賓有義方

八葉清名懷勁草三槐遺蔭植甘棠

質齋公所治多惠政今入祀濟南名宦

徑須涉筆題龍虎不數吹簫引鳳凰

湖亭鷗社共斯文名士如林結綬殷太白攜樽論沆瀣

師李鑑堂

大章聯袂步青雲

友章仁甫

有譏斗柄因人熱莫翫竿

丸舍已芸我亦窮經參講席

時紹庭仁甫猶從子問字

冬烘垂老愧

終軍

題漢武氏石室畫象搨本後寄家秉初勒石

武氏石室在濟甯州嘉祥縣南紫雲山畫聖賢節孝



俠烈諸象並漢隸題贊見歐趙著錄及洪文惠隸釋  
宋元以來散落殆盡乾隆丙午錢唐黃易洪洞李克  
正濟甯李東琪先後訪得武梁祠畫象三前石室畫  
象十四兩面者二後石室畫象十石柱一左石室畫  
象十祥瑞圖四並武斑碑南北兩石闕就其地樹石  
立祠以垂永久今統稱爲武梁祠畫象椎搨行世按  
武氏多仕漢桓靈間梁字綏宗官郡從事歿而有祠  
弟開明生二子曰斑字宣張碑存石室曰榮字含和  
碑存濟甯州學

點祖河圖畫祖卦禹鼎神姦始作畫後來畫寢譏聖門  
山節居蔡愚臧孫秦斯特重摩厓筆漢冢多儀鐫石室

李剛墓

荆州刺史李剛墓石室畫四靈在鉅野今佚

郭巨堂

郭巨孝堂山石室畫生前事蹟

在今

肥城栖靈壯觀推武梁雕牆刻桷羅故事車旂偃蓋雲

鳥翔蛇身鳳翼君皇古

象起伏戲三皇

劍佩裁冠侍尼父

今前石室

有孔門諸弟象

祝誦帝信文字奇

融隸作誦譽隸作信

吳諸燕軻英靈豎

朝象

高行之鼻媿女妝

媿同醜

顏淑之竿

屋竿也

秋胡桑

柏榆受笞懷楚悲

柏榆卽伯俞懷楚悲三字見原贊

曾母投杼何倉皇

舉孝不傳邢渠哺市義乃有羊公漿

以上皆象中故事邢渠哺父義漿羊

公二事諸書罕見

武宅山前大河陡

山名武宅亦名武翟宋時河淤

沒冢爲墟

周鼓白荒祠古壁投陸沈宋唐搨本消磨久河東司馬

黃小松訪碑耆古追歐洪一舉遂復四石室鐵橋李子

狂喜同

鐵橋東琪字卽己西續得左石室者

剡苔剔土還老屋鬼哭猩嘯

天雨粟登梯椎搗煩千張牛腰大卷飽捫讀霎時敗堵

生精神名流拂拭俗子瞋乾嘉燕許紛翰墨翁覃谿畢秋帆諸公

題識者數十人千年古趣橫狂榛從茲片象人爭識旁按土奧

售零石聃孔傾車重姓名任庠漢碣增移植同時得孔子見老子

象一石存年來更得何饋圖今年秋得孔子擊磬象合

濟甯州學蘇丈人殘題爲一石出土未魯恭冢石多遺珠志載金

久尙存鄉人按何饋卽荷黃墓石室有貞節忠孝孔門師弟畫村民祕此求搗值返

象疑冊孔何饋等圖卽其物也村民祕此求搗值返

壁僊源誓他日今擬以擊磬象歸曲阜按曲阜故僊源縣

題黃小松先生五十歲小像存其曾孫憲之少尉冠縣官署

嵩華尋碑足已駁曾見公嵩華訪碑圖惜僅得其摹本摩厓鐵筆重千斤

公精篆隸善摹印乾嘉老輩論風雅除是覃谿無故人

小蓬萊閣聚鴻篇古趣縱橫浣筆泉我亦艷樵求漢畫

題名石室愧前賢

近得其小蓬萊閣金石文字並武氏石室畫象

一縑一字費搜羅尺幅煙雲歷劫多難得廬山真面在

人間從此百東坡

正得公所作吳山西湖惠泉秦園諸圖真蹟而屬題小像適至因摹入圖

冊及小蓬萊閣刻本

題慎庵錢公求泊庸言後

公名德承典郡蘇松常鎮終江甯府入祀

松江青浦郡邑名宦

典郡垂遺範言庸泊不庸好官無世故循政妙奇功舉  
念皆民物逢時亦古風生平甘苦語心印幾人同

世亂先敦本家貧輒散財鐵肩能重任強項有由來許

國書生志親民老吏才

二千石是親民吏五十年來許國心予贈公詩也公嘗以此書

坐石因馨香遲報答庭院植三槐  
並及之

歲暮答宋豫堂

森蔭

夜靜鑪香爇冷灰愁痕塵積埽難開春風暗拂投書渚

孤館寒燈舊侶來

甲戌冬同  
役河工

柳雪天涯夢轂涼十年徒手逐名場廣平作賦梅花笑

同是人閒鐵石腸

補勤詩存卷之二十四